

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

XVII.

[urn:nbn:de:bsz:31-122744](#)

stionem, an scilicet mali in inferno peccaturi sint, in tres secat partes: Primo, inquit, queritur, utrum damnati velint se peccasse? Secundo, utrum voluntate deliberativa damnati malint non esse, quam esse sic? Tertio, utrum damnati malling onnes esse damnatos, quam quosdam beatos? Ad primam autem quæstionem, quæ propriè hujus est loci, ita respondeat: Dicendum, quod mala voluntas dicitur dupliciter, ut actus & habitus. Dico ergo, quod timor servilis damnatis non auferit habitum voluntatis, sed auferit actum. Iste enim non vult luxuriari, quia timet puniri de ipsa voluntate. Tamen habitum non auferit: quod patet, quia si separaretur impunitas, vellet utique luxuriari. Sic intelligendum est in damnatis, quod dolor pœnalis auferit ab ipsorum voluntate actum volendi peccare, quod revera damnati non appetunt luxuriari nec dominari propter pœnas, quas ex illis actibus sentiunt se incurrisse. Habent tamen habitum voluntatis male, per quam appetenter peccare, si non crederent se puniri. Si ergo querar, utrum damnati nolint peccasse, dico, quod nolunt non propter hoc, quod peccatum eis displicat, quasi injustum, sed quod eis displicet pœna justa. Et idem malam habent voluntatem, hoc volendo. Et ideo adhuc vivit in eis voluntas peccandi, licet dolore pœnarum impediatur, ne exeat in actum suum. Vides hic clarissime expositam esse Augustini sententiam & cum libro de Fide ad Petrum Diaconum conciliatam, quam conciliationem luculentioribus verbis innuimus, supra, §. IV.

XVI. Albertus Magnus, ordinis Prædicatorum, qui teste Platinâ, sub Urbano IV. tante modestia fuerat, adeoque lectionum appetentissimus, ut Ratisbonensem Episcopatum abnuerit, quem tumultu & armis gubernari interdum opus erat, ut nunc etiam apud Germanos mos est: quæstionem Sententiarii in terminis tractat, negatque, damnatos, quibus & dæmones accenset, peccaturos esse. Cujus argumenta in utramque partem adducta suo loco expendemus.

XVII. Progrediamur nunc ad duarum in Scholâ familiarum Principes, Thomam & Scotum, quorum ille Bonaventuræ & Alberti M. discipulus, spretis, quæ ei offerebantur, dignitatibus, cum è Comitibus Apuliæ duxisset originem, totum se studiis dedit, cathedralmque Parisiensem & Colonensem primarias exornavit, à Johanne XXIII. P. quinquagesimo, postquam è vivis exceperat, anno inter Sanctos relatus; de quo Angelico Doctore, (is enim ob ingenii acumen ei apud suos titulus est) sic judicat Franc.

Bar-

Barptolomæus de Spina, Præfat. in secundam secundæ: Cujus sapientiam Christus per se approbat, Beatisima virgo collaudat, Petrus & Paulus edocent & commendant, (miracula loquitur) Universitas Parisina miris effert præconis, summus Antistes Urbanus secundam proponit & amplexandam precipit, quis non vereatur, amplexetur, extollat? Is igitur quamquam propositum à Magistro dubium in plurimas quæstiones distinguat, prima tamen & quinta propriè huc spectant, Part. III. Summ. Theol. Add. Qu. XCIX. in quibus Magistri vestigiis non ita pressè insitit. In Concl. ad art. 1. ubi quæritur, an damnatorum voluntas sit mala? Responderet: Dicendum, quod in damnatis potest duplex voluntas considerari, scilicet voluntas deliberativa & voluntas naturalis. Naturalis quidem non est eis ex ipsis, sed ex actione naturæ, qua in naturâ hanc inclinationem posuit, qua naturalis voluntas dicitur: unde, cum natura in eis remaneat, secundum hoc bona poterit esse in eis voluntas naturalis. Sed voluntas deliberativa est eis ex seipso, secundum quod in potestate est eorum inclinari per affectum ad hoc vel illud: & talis est in eis voluntas solum mala; & hoc ideo, quia sunt perfectè aversi à fine ultimo recte voluntatis, nec aliqua voluntas potest esse bona, nisi per ordinem ad finem predictum. Unde etiam, et si aliquod bonum volunt, non tamen bene volunt illud, ut ex hoc voluntas eorum bona dici possit. Articulo V. ubi quæritur: Utrum damnati odio habeant Deum? concludit: Dicendum, quod affectus movetur ex bono vel malo apprehenso. Deus autem apprehenditur duplicitate, in se, sicut à beatis, qui eum per essentiam vident, & per effectus, sicut à nobis & damnatis. Ipse igitur in seipso cum sit per essentiam bonitas, non potest alicui voluntati desplicere. Unde quicunque eum per essentiam vident, eum odio habere non possunt: Sed effectus ejus aliqui sunt voluntati repugnantes, in quantum contrariantur alicui, & secundum hoc aliquis non in seipso, sed ratione effectuum Deum odire potest. Damnati ergo Deum percipientes in effectu justitiae, qui est pena, eum odio habent, sicut & penas, quas sustinent. Sed vero neque illa delibera in malum voluntas, neque hoc odium Dei peccatum est Aquinati meritorium: Nam sicut bona voluntas in beatis non erit meritum, sed premium: ita mala voluntas non erit in damnatis demeritum sed peccatum, dicente Thomâ, Concl. ad Art. VI. & Resp. ad III. Necessestas peccandi excusat à culpâ, in quantum est necessitas quedam, quia omne peccatum oportet esse voluntarium. Cæterum quæstionem, an peccata actualia à damnatis perpetrentur, non discussit. In Quodlibeta-

Iibus tamen Quæstionibus, Quodl. III. artic. XXIV. odium & blasphemiam Dei damnatis tribuit. Nam ad quæstionem, utrum damnati gaudeant de pœnis inimicorum suorum, inter alia respondet, *Dicendum, quod pœna inimici considerata ab eo, qui est in inferno, habet quodammodo rationem delectabilis, & quodammodo rationem tristabilis. Rationem quidem delectabilis habet, in quantum impletur voluntas damnati de malo inimici sui. Sed ex aliâ parte habet rationem tristabilis propter duo. Primum quidem, in quantum in pœna inimici impletur divina iustitia, quam odium & blasphemant damnati in inferno, secundum illud Apocalyp. 16. Æstuaverunt homines æstu magno & blasphemaverunt nomen Domini. Secundò propter vermem conscientia.*

XVIII. Subjungemus Thomæ unicum five secatorem sive interpretarem. Is est Petrus de Palude, ordinis Prædicatorum, Patriarcha quondam Hierosolymitanus, quem Fr. Paulus Soncinus, qui eum primum edidit Venetiis, A.D. M CCCC LXXXV. hoc encomio prosequitur: *Fuit Petrus vir sacris nostris initiatus, bonarum quoque artium consummatisinus quidam Praeceptor ac illustrator, usque adeo, ut nulli hominum etatis sue aut magnitudine animi, aut scientiarum copiâ, aut humanarum rerum usu atque consilio, aut ullo virtutis genere inferior unquam habitus sit. Quinidem solum Thomam huic Petro præfert: Nolim autem eum, ait, prætulisse Thomam, quum Thomas numen quoddam in terris fuit, cui latini omnes ac graci & barbari auctores cedant: sed ingenuè illud fateor, nullius cujuspiam alterius editionem his Petri commentariis, aut multitudine questionum, aut sententiarum copiâ, aut proprietate sermonis æquare vel comparari posse. Hic tantus vir, cum multitudine quæstionum abundare dicatur Soncinati, in ultimâ tamen distinctione magis, quam cœteri omnes, deficit, & quæstionem de damnatorum obstinatione vix paucis ex Thomâ verbis decidit: Tertia, inquit, quæstio est de obstinatione, quod mittentur in tenebras, non solum exteriores, sed interiores. Obscuratum est insipiens cor eorum. Non possunt enim bonum bene velle, sed omnis voluntas eorum deliberativa est mala.*

XIX. Thomæ Aquinati integro post mortem ejus seculo perpetuus surrexit adversarius, Johannes Duns, Scotus, dictus quidem à suis solenni encomio Doctor subtilissimus, qui tamen subtilitate suâ adeo obscurè haud raro philosophatur, ut nec discipuli ejus, quid magister vel ipsi velint, explicare se satis queant. Hic ille